

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22, 14/22 i 18/22), Odlukom o preraspodjeli sredstava u Budžetu Zeničko-dobojskog kantona broj: 02-11-13934/22 od 15.09.2022. godine i Odlukom o preraspodjeli sredstava u Budžetu Zeničko-dobojskog kantona za 2022. godinu, broj: 07-03-01/11-4045-1-1-1/22 od 19.09.2022. godine, na prijedlog Ministarstva zdravstva, Vlada Zeničko-dobojskog kantona, na 179. sjednici, održanoj dana 03.11.2022. godine, d o n o s i

## **ZAKLJUČAK**

### **o usvajanju Programa utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“**

#### **I.**

Usvaja se Program utroška sredstava planiranih u Budžetu Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22 i 14/22) na poziciji „Kapitalni transferi drugim nivoima vlasti - za zdravstvo“ u iznosu od 4.405.350,00 KM (slovima: četirimilionačetiristotinepetiljadaitrinstotinepedeset konvertibilnih maraka), koji čini sastavni dio ovog zaključka.

#### **II.**

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

#### **III.**

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

#### **IV.**

Donošenjem ovog zaključka stavlja se van snage Zaključak Vlade Zeničko-dobojskog kantona broj: 02-11-4970/22 od 25.03.2022. godine.

#### **V.**

Zaključak stupa na snagu danom donošenja.

**PREMIJER**

***Mirnes Bašić***

Broj: 02-\_\_\_\_\_ /22

Datum, 03.11.2022. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x a/a

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA**

**PROGRAM  
UTROŠKA SREDSTAVA PLANIRANIH  
U BUDŽETU ZENIČKO-DOBOJSKOG KANTONA ZA 2022. GODINU  
NA POZICIJI  
“KAPITALNI TRANSFERI DRUGIM NIVOIMA VLASTI - ZA ZDRAVSTVO”**

*Zenica, oktobar 2022. godine*

## I UVOD

### 1. Pravni osnov

U skladu sa članom 33. stav (3) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Kapitalni transferi drugim nivoima vlasti - za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2022. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati i kriteriji.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

U skladu sa Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17) i Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine Federacije BiH“, broj: 74/19 i 2/21), potrebno je program utroška sredstava uskladiti sa Strategijom razvoja Zeničko-dobojskog kantona za period 2021.-2027. godine, kao i sa Strategijom razvoja zdravstva u Zeničko-dobojskom kantonu za period 2016.-2025. godine, na način da se osigura ostvarenje strateških ciljeva kroz implemetiranje aktivnosti utvrđenih ovim strateškim dokumentima.

### 2. Razlozi za donošenje

Vlada Zeničko-dobojskog kantona donijela je Odluku o raspodjeli planiranih sredstava u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-3871/22 od 10.03.2022. godine kojom je utvrđena raspodjela kapitalnih transfera za redovne kapitalne transfere (2.550.000,00 KM) i kapitalne transfere čiji je cilj sprečavanje širenja zarazne bolesti izazvane virusom COVID-19 (450.000,00 KM), a koja je osnov za donošenje Programa.

U skladu sa navedenom Odlukom, Vlada Zeničko-dobojskog kantona usvojila je Program utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine, kojim su planirana sredstva u ukupnom iznosu od 3.000.000,00 KM i to: 2.550.000,00 KM za redovne kapitalne transfere (JU Kantonalna bolnica Zenica 2.000.000,00 KM i ostale zdravstvene ustanove 550.000,00 KM), a iznos od 450.000,00 KM je planiran za nabavke koje su direktnoj funkciji sprečavanja širenja zarazne bolesti izazvane virusom COVID-19 i liječenja COVID-19 pozitivnih pacijenata, uz mogućnost preusmjeravanja ovih sredstava ako ne

bude potrebe za njihovom realizacijom.

Izmjenama i dopunama Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 14/22), planirana sredstva na poziciji „Kapitalni transferi drugim nivoima vlasti - za zdravstvo“ (kolona plan izdaci iz budžeta) povećana su sa 3.000.000,00 KM na 3.900.000,00 KM.

Odlukom Vlade Federacije BiH o raspodjeli sredstava utvrđenih Budžetom Federacije Bosne i Hercegovine za 2022. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovima - kantoni“, koja je objavljena u Službenim novinama Federacije BiH“, broj: 41/22 od 27.05.2022. godine, utvrđena su sredstva koja se raspoređuju u Budžet Zeničko-dobojskog kantona u iznosu od 31.878.226,00 KM, od čega se 50% odnosi na finansiranje kapitalnih investicija.

U skladu sa navedenom Odlukom, Vlada Kantona Zaključkom broj: 02-11-12308/22 od 11.08.2022. godine prihvatila je Plan investiranja dodijeljenih sredstava potpore iz Budžeta Federacije BiH u kojem su utvrđena sredstva u iznosu od 3.200.000,00 KM za finansiranje kapitalnih transfera drugim nivoima vlasti- za zdravstvo (JU Kantonalna bolnica Zenica, JU Opća bolnica Tešanj i domovi zdravlja).

Imajući u vidu sve naprijed navedeno Ministarstvo zdravstva kod predlaganja novog Programa utroška sredstava na poziciji „Kapitalni transferi drugim nivoima vlasti - za zdravstvo“ utvrdilo je izvore finansiranja na način da su planirana sredstva za kapitalne transfere zdravstvenim ustanovama kojima su osnivači gradovi/općine u cjelosti obezbjeđena Odlukom Vlade Federacije BiH (JU Opća bolnica Tešanj i domovi zdravlja), planirana sredstva za kapitalne transfere JU Zavod za medicinu rada i sportsku medicinu Zeničko-dobojskog kantona (263.000,00 KM) i JU Institut za zdravlje i sigurnost hrane Zenica (140.000,00 KM) u cjelosti su obezbjeđena sredstvima Budžeta Zeničko-dobojskog kantona, a planirana sredstva za kapitalne transfere za JU Kantonalna bolnica Zenica dijelom su obezbjeđena Odlukom Vlade Federacije BiH (2.053.000,00 KM ili 71,9%), a dijelom sredstvima Budžeta Zeničko-dobojskog kantona (802.350,00 KM ili 28,1%).

Nakon usvajanja Izmjena i dopuna Budžeta Zeničko-dobojskog kantona, JU Dom zdravlja Zavidovići obratila se Ministarstvu zdravstva zahtjevom broj: 01-2-08-3048/22 od 30.08.2022. godine za odobrenjem sredstava za rekonstrukciju krova u JU „Druga osnovna škola“ Zavidovići (područna škola Alići), obzirom da je u toj školi smještena ambulanta porodične medicine. Kako su ulaganja u investiciono održavanje škola u nadležnosti Ministarstva za obrazovanje, nauku, kulturu i sport, zatražen je stav ovog ministarstva. Ministarstvo za obrazovanje, nauku, kulturu i sport je dopisom broj: 10-11-42-26/22 od 05.09.2022. godine dostavilo obrazloženje za nedostajuća sredstva. Odlukom Vlade Zeničko-dobojskog kantona, broj: 02-11-9704/22 od 16.06.2022. godine odobrena su sredstva u iznosu 25.000,00 KM JU „Druga osnovna škola“ Zavidovići za rekonstrukciju krova u područnoj školi „Dolina -Alići“. Nakon provedenog postupka javne nabavke (e-aukcije), postignuta konačna cijena najpovoljnije ponude iznosila je 51.747,30 KM bez uračunatog PDV-a. Nedostajuća sredstva u iznosu 35.545,00 KM u cilju realizacije navedenog projekta, kojim se rješava pitanje prokišnavanja krova za područnu školu i porodičnu ambulantu, obezbjeđena su preraspodjelom sredstava između budžetskih korisnika Ministarstvo zdravstva i Ministarstvo za obrazovanje, nauku, kulturu i sport. Vlada Kantona, na prijedlog Ministarstva finansija donijela je Odluku o preraspodjeli sredstava u Budžetu Zeničko-

dobojskog kantona broj: 02-11-13934/22 od 15.09.2022. godine, kojom su planirana sredstva budžetskog korisnika Ministarstvo zdravstva na poziciji 615100 - „Kapitalni transferi drugim nivoima vlasti - za zdravstvo“ u iznosu 35.545,00 KM preusmjerena na budžetskog korisnika Ministarstvo za obrazovanje, nauku, kulturu i sport na poziciju 821600 - „Rekonstrukcija i investiciono održavanje“.

Ministarstvu zdravstva obratila se JU Kantonalna bolnica Zenica zahtjevom broj: broj: 32-11-6386/22 od 07.09.2022 da se planirana sredstva za obezbjeđenje sredstava za PDV po projektu „Poboljšanje energetske efikasnosti u JU Kantonalna bolnica Zenica“, koja su planirana na poziciji „Tekući transfer za JU Kantonalna bolnica Zenica“, subanalitika LAX010 dijelom preusmjere na poziciju „Kapitalni transferi drugim nivoima vlasti - za zdravstvo“ za potrebe nabavki kapitalnog karaktera za JU Kantonalna bolnica Zenica. Ministarstvo finansija na prijedlog Ministarstva zdravstva, donijelo je Odluku o preraspodjeli rashoda u Budžetu Zeničko-dobojskog kantona za 2022. godinu, broj: 07-03-01/11-4045-1-1-1/22 od 19.09.2022. godine, kojom su planirana sredstva na poziciji „Kapitalni transferi drugim nivoima vlasti - za zdravstvo“ uvećana za 540.895,00 KM, a u istom iznosu umanjena planirana sredstva na „Tekućem transferu za JU kantonalna bolnica Zenica“

Pored navedenog treba napomenuti da u 2022. godini nije bilo potrebe za realizacijom planiranih sredstava za nabavke kapitalnog karaktera koje su u direktnoj funkciji sprečavanja širenja zarazne bolesti izazvane virusom COVID-19 i liječenja COVID-19 pozitivnih pacijenata, te su ista preusmjerena na redovne kapitalne transfere zdravstvenim ustanovama, kako je bilo planirano Programom utroška sredstava usvojenim Zaključkom Vlade Kantona broj: 02-11-3871/22 od 10.03.2022. godine.

Uzimajući u obzir sve prethodno navedeno, ukupno planirana sredstva na poziciji „Kapitalni transferi drugim nivoima vlasti - za zdravstvo“ u 2022. godini iznose 4.405.350,00 KM, od čega je 3.200.000,00 KM planiranih sredstava obezbjeđeno Odlukom Vlade Federacije BiH, a 1.205.350,00 KM planiranih sredstava obezbjeđeno je sredstvima Budžeta Zeničko-dobojskog kantona.

Vlada Zeničko-dobojskog kantona donijela je Odluku o raspodjeli planiranih sredstava u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“ broj: 02-11-14925/22 od 06.10.2022. godine uz istovremeno stavljanje van snage Odluke o raspodjeli planiranih sredstava u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“ broj: 02-11-3871/22 od 10.03.2022. godine.

Ukupni kapitalni transferi u iznosu od 4.405.350,00 KM raspoređeni su:

- za kapitalne transfere javnim zdravstvenim ustanovama kojima je osnivač Vlada Kantona u iznosu 3.258.350,00 KM ili 74,0% i
- za kapitalne transfere javnim zdravstvenim ustanovama kojima su osnivači gradovi/općine u iznosu 1.147.000,00 KM ili 26,0%.

### **3. Naziv programa**

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“.

### **4. Ciljevi programa**

Pored činjenice da su navedena ulaganja zakonska obaveza za zdravstvene ustanove kojima je osnivač Vlada Zeničko-dobojskog kantona, planiranjem određenih sredstava za zdravstvene ustanove kojima je osnivač grad/općina, doprinosi se poboljšanju kvaliteta zdravstvene zaštite u cjelini.

Izdvajanjem sredstava za namjene utvrđene Programom doprinosi se realizaciji programa iz Strategije razvoja Zeničko-dobojskog kantona za period 2021.-2027. godine pod nazivom „Unapređenje kvaliteta i načina pružanja usluga“, tj. doprinosi se:

- podizanju zdravstvene zaštite na viši nivo kroz nabavku neophodne medicinske i nemedicinske opreme,
- humanizaciji uslova za boravak pacijenata i povećanju zadovoljstva zdravstvenih radnika, poboljšanim uslovima rada i boravka u prostorima namjenjenih liječenju pacijenata kroz izgradnju i adaptaciju novih i postojećih građevinskih objekata,
- obnavljanju zastarjele opreme,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama,
- rješavanju urgentnih potreba zdravstvenih ustanova u cilju kontinuiteta pružanja usluga.

### **5. Izvori sredstava**

Budžetom Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22) na razdjelu 21 – Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo“, Odlukom o preraspodjeli sredstava u Budžetu Zeničko-dobojskog kantona, broj: 02-11-13934/22 od 15.09.2022. godine i Odlukom o preraspodjeli rashoda u Budžetu Zeničko-dobojskog kantona za 2022. godinu, broj: 07-03-01/11-4045-1-1-1/22 od 19.09.2022. godine, planirana su sredstva u iznosu 4.405.350,00 KM, od čega se 3.200.000,00 KM odnosi na sredstva koja su obezbjeđena kroz finansijsku pomoć iz Budžeta Federacije BiH, a 1.205.350,00 KM su sredstva obezbjeđena u Budžetu Zeničko-dobojskog kantona.

Realizacija se ostvaruje donošenjem programa utroška sredstava i odgovarajućih akata (odluka) o odobravanju sredstava od strane Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

## 6. Korisnici programa

Korisnici Programa su javne zdravstvene ustanove sa područja Zeničko-dobojskog kantona. Programom je potrošnja planiranih sredstava za kapitalne transfere za zdravstvo u 2022. godini podijeljena u dvije cjeline:

- Kapitalni transferi javnim zdravstvenim ustanovama kojima je osnivač Vlada Zeničko-dobojskog kantona u iznosu 3.258.350,00 KM, od čega se na JU Kantonalna bolnica Zenica odnosi 2.855.350,00 KM, JU Zavod za medicinu rada i sportsku medicinu Zeničko-dobojskog kantona 263.000,00 KM i JU Institut za zdravlje i sigurnost hrane Zenica u iznosu 140.000,00 KM.
- Kapitalni transferi javnim zdravstvenim ustanovama kojima su osnivači gradovi/općine u iznosu 1.147.000,00 KM, od čega se na JU Opća bolnica Tešanj odnosi 40.000,00 KM, a na domove zdravlja 1.107.000,00 KM.

## II PROGRAMI

### 1. Kapitalni transferi javnim zdravstvenim ustanovama kojima je Vlada Kantona osnivač- planirana sredstva 3.258.350,00 KM

Ukupno planirana sredstva za kapitalne transfere javnim zdravstvenim ustanovama kojima je Vlada Kantona osnivač iznose 3.258.350,00 KM, a odnose se na kapitalne transfere za JU Kantonalna bolnica Zenica, JU Zavod za medicinu rada i sportsku medicinu Zeničko-dobojskog kantona i JU Institut za zdravlje i sigurnost hrane Zenica.

#### 1.1. Kapitalni transferi JU Kantonalna bolnica Zenica planirana sredstva 2.855.350,00 KM

Vlada Zeničko-dobojskog kantona u Budžetu Zeničko-dobojskog kantona planira značajna sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine sukladno članu 13. Zakona o zdravstvenoj zaštiti („Službene novine Federacije Bosne i Hercegovine”, broj: 46/10 i 75/13), obzirom da se radi o zdravstvenoj ustanovi čije je osnivač Vlada Kantona i ustanovi od opšteg značaja za liječenje pacijenata sa područja Zeničko-dobojskog kantona.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i zdravstvenih radnika prilikom izvođenja određenih zahvata, povećanju broja usluga koje se pružaju pacijentima.

Obzirom na starost objekta JU Kantonalna bolnica Zenica, izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za JU Kantonalna bolnica Zenica iznose 2.855.350,00 KM ili 64,8% ukupno planiranih kapitalnih transfera i 87,6% ukupno planiranih sredstava za javne zdravstvene ustanove kojima je osnivač Vlada Kantona.

Na zahtjev JU Kantonalna bolnica Zenica broj: 01-11-7310/22 od 12.10.2022. godine, a prema

prioritetima koje je iskazala ova zdravstvena ustanova, za nabavku medicinske i informatičke opreme, građevinskih radova i nabavku rezervnih dijelova planirana su sredstva data u sljedećoj tabeli:

Redni broj	Vrsta ulaganja	Planirana sredstva po Programu broj: 02-11-4970/22 od 25.03.2022. godine	Planirana sredstva po Programu nakon donošenja Izmjena i dopuna Budžeta Ze-do kantona i odluka o preraspodjeli rashoda
1.	Nabavka medicinske opreme	1.224.614,49 KM	1.938.612,57KM
2.	Nabavka informatičke opreme	-	176.202,27KM
3.	Građevinski radovi	757.250,51 KM	581.279,41KM
4.	Nabavka rezervnih dijelova za medicinsku i nemedicinsku opremu	18.135,00 KM	159.255,25KM
	<b>UKUPNO</b>	<b>2.000.000,00 KM</b>	<b>2.855.350,00KM</b>

**1.1.1** Planirana sredstva za **nabavku medicinske opreme** u ukupnom iznosu od **1.938.612,57 KM** dijelom se odnose na ranije zaključene ugovore o nabavci medicinske opreme, odnosno na dio troškova koji će po osnovu tih ugovora teretiti 2022. godinu, kao i na realizaciju ugovora koji su zaključeni u toku 2022. godine ili je postupak javne nabavke pokrenut, a okončanje postupka javne nabavke se očekuje do kraja 2022. godine.

JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 33-04-4718/20 od 24.08.2020. godine, kojim je ugovorena nabavka medicinske opreme za nadogradnju aparata magnetne rezonance - Magnetom Avanto, proizvođača „Siemens“ - „UPGRADE MR“. Ukupno ugovorena cijena iznosi 1.753.245,00 KM (sa PDV-om). U skladu sa članom 6. Ugovora, 30% ugovorene cijene plaćeno je avansno po zaključenju Ugovora, dok se ostatak ugovorene cijene plaća u 24 jednake mjesečne rate (24 x 51.136,31 KM), nakon isporuke i instalacije opreme. U 2021. godini je za realizaciju ovog Ugovora iz Budžeta Zeničko-dobojskog kantona izdvojeno 460.226,81 KM. Obaveze JU Kantonalna bolnica Zenica po ovom Ugovoru u 2022. godini iznose 613.635,84 KM i iste će biti finansirane iz Budžeta Zeničko-dobojskog kantona za 2022. godinu. Vlada Kantona za ove namjene donijela je Odluku o odobravanju sredstava broj: 02-11-6310/22 od 14.04.2022. godine.

JU Kantonalna bolnica Zenica je zaključila sa „Diamedic“ d.o.o. Sarajevo Ugovor broj: 32-04-8446/21 od 31.12.2021. godine za nabavku spect kamere u ukupnoj vrijednosti 1.168.666,20 KM sa PDV-om, sa uslovima plaćanja 50% avansno u iznosu od 584.333,10 KM, a ostatak ugovorene cijene plaća u 24 rate po 24.347,21 KM. Vlada Zeničko-dobojskog kantona donijela je Odluku o odobravanju sredstava broj: 02-11-6309/22 od 14.04.2022. godine na iznos 146.083,28 KM (šest mjesečnih rata nakon isporuke i instaliranja opreme). Zbog problema u isporuci aparata troškovi koji će teretiti 2022. godinu po osnovu navedenog Ugovora će biti 3 mjesečne rate po 24.347,21 KM, odnosno 73.041,63 KM. Treba napomenuti da je JU Kantonalna bolnica izvršila avansnu uplatu po osnovu ovog Ugovora, koja je finansirana sredstvima po osnovu Ugovora o dodjeli sredstava „Tekući transfer drugim nivoima vlasti i fondovima - Transfer za sanaciju zdravstvenih ustanova u Federaciji Bosne i Hercegovine“ iz Budžeta Federacije Bosne i Hercegovine za 2021. godinu.



JU Kantonalna bolnica Zenica je zaključila sa „Tuzlafarm“ d.o.o. Tuzla Ugovor broj: 32-04-271/22 od 14.01.2022. godine za nabavku elektromotora sa odgovarajućim akcesorijima za kranijalne i spinalne procedure za potrebe Odjela neurohirurgije, čija ukupna ugovorena vrijednost iznosi 57.774,60 KM sa PDV-om, a po tom osnovu je donesena Odluka Vlade kantona broj: 02-11-6345/22 od 14.04.2022. godine.

U toku 2022. godine provedeni su postupci javnih nabavki medicinske opreme i za iste su donesene odluke Vlade Kantona o odobravanju sredstava i to:

- Odluka o odobravanju sredstava za nabavku medicinske opreme „SIGNERS“ - Flet detektor za mobilni digitalni RTG aparat (Odluka broj: 02-11-10348/22 od 28.06.2022. godine na iznos 32.760,00 KM),
- Odluka o odobravanju sredstava za nabavku medicinske opreme - špalt lampa za potrebe specijalističko-konsultativne ambulante oftamologije Poliklinike JU Kantonalna bolnica Zenica (Odluka broj: 02-11-10350/22 od 28.06.2022. godine na iznos 12.285,00 KM),
- Odluka o odobravanju sredstava za nabavku medicinske opreme proizvođača DWA - Reverzna osmoza 1000l/h sa predtretmanom vode za potrebe Odjela interne medicine sa hemodijalizom (Odluka broj: 02-11-11069/22 od 14.07.2022. godine na iznos 175.500,00 KM),
- Odluka o odobravanju sredstava za nabavku medicinske opreme - sonda sa konektorom za potrebe Odjela za oftamologiju (Odluka broj: 02-11-14269/22 od 22.09.2022. godine na iznos 12.811,50 KM) i
- Odluka o odobravanju sredstava za nabavku medicinske opreme - hemodijalizne stolice za potrebe Odjela interne medicine sa hemodijalizom (Odluka broj: 02-11-14268/22 od 22.09.2022. godine na iznos 16.029,00 KM).

U okviru planiranih sredstava za nabavku medicinske opreme u Program su uvrštene nabavke za koje su okončani postupci javnih nabavki, a za koje će biti donesene odluke o odobravanju sredstava, nakon donošenja ovog Programa i to za:

- nabavku medicinske opreme - EEG aparat za potrebe Odjela neurologije po osnovu Ugovora broj: 32-04-7055/22 od 04.10.2022. godine (70.024,50 KM),
- nabavku električnog dermatoma za potrebe Odjela plastične i rekonstruktivne hirurgije po osnovu Ugovora broj: 32-04-6293/22 od 05.09.2022. godine (12.051,00 KM),
- nabavku operacionog mikroskopa za potrebe Odjela oftamologije po osnovu Ugovora broj: 32-04-7041/22 od 18.10.2022. godine (173.686,50 KM) i
- nabvaku EMNG aparata za potrebe Odjela neurologije po osnovu Ugovora broj: 32-04-7461/22 od 24.10.2022. godine.

Preostali iznos planiranih sredstava odnosi se na nabavku anestezioloških aparata (292.500,00KM), ultrazvučnih aparata (76.050,00KM), operacionog stola (117.000,00KM), bolničkih noćnih ormarića (120.510,00KM) i aspiratora za hirurške sale (14.040,00KM), za koje su pokrenuti postupci javnih nabavki čije okončanje se očekuje do kraja godine.

**1.1.2 Za nabavku informatičke opreme ukupno planirana sredstva iznose 176.202,77 KM, a odnose se na nabavku računara i računarske opreme po osnovu Okvirnog sporazuma broj: 32-04-5983/22 od 24.08.2022. godine u iznosu 132.252,77 KM i nabavku serverske platforme i nadogradnju postojeće serverske platforme za potrebe Službe za informacione tehnologije i telekomunikacije po osnovu Ugovora broj: 32-04-4980/22 od 05.07.2022. godine u iznosu**

40.950,00 KM.

### **1.1.3 Za građevinske radove planirana su sredstva u ukupnom iznosu od 581.279,41KM.**

U toku 2022. godine provedeni su postupci javnih nabavki za građevinske radove i za iste su donesene odluke Vlade Kantona o odobravanju sredstava i to:

- Odluka o odobravanju sredstava za građevinske radove na rekonstrukciji prostora na Odjelu nuklearne medicine (Odluka broj: 02-11-6312/22 od 14.04.2022. godine na iznos 52.770,51 KM),
- Odluka o odobravanju sredstava za građevinske radove na rekonstrukciji sanitarnog prostora u novi prostor sa kupatilom za pacijente na Odjelu za hirurške bolesti (Odluka broj: 02-11-10351/22 od 28.06.2022. godine na iznos 10.517,72 KM),
- Odluka o odobravanju sredstava za građevinske radove na instalaciji kisika na II spratu Odjela interne medicine sa hemodijalizom - Pulmologija i Dijabetologija (Odluka broj: 02-11-10349/22 od 28.06.2022. godine na iznos 40.351,71 KM),
- Odluka o odobravanju sredstava za građevinske radove na instalaciji kisika i komprimiranog zraka za intenzivnu njegu na Odjelu za infektivne bolesti (Odluka broj: 02-11-11395/22 od 21.07.2022. godine na iznos 36.595,35 KM) i
- Odluka o odobravanju sredstava za građevinske radove na obzidavanju kotlovskih postrojenja (Odluka broj: 02-11-14267/22 od 22.09.2022. godine na iznos 27.951,30 KM).

U okviru planiranih sredstava za građevinske radove u Program su uvrštene nabavke za koje su okončani postupci javnih nabavki, za koje će biti donesene odluke o odobravanju sredstava, nakon donošenja ovog Programa i to za:

- građevinske radove - sanacija toplovoda po osnovu Ugovora broj: 32-02-6102/22 od 29.08.2022. godine (20.029,93 KM),
- građevinske radove - zamjena poprečnog bojlera i ekranskih cijevi na parnom kotlovskom postrojenju po osnovu Ugovora broj: 32-04-6503/22 od 12.09.2022. godine (81.315,00 KM) i
- građevinske radove na obzidavanju kotlovskih postrojenja ( LOT 1) po osnovu Ugovora broj: 32-02-5673/22 od 11.08.2022. godine (11.267,10 KM).

Preostali iznos planiranih sredstava odnosi se na građevinske radove za koje su postupci javnih nabavki u toku:

- razvod kisika (263.146,09 KM) i
- rekonstrukcija kotlovskog postrojenja (37.334,70 KM).

### **1.1.4 Za nabavku rezervnih dijelova planirana su sredstva u iznosu 159.255,25 KM.**

U toku 2022. godine proveden je postupak javne nabavke za nabavku rezervnih dijelova za gamma kameru za potrebe Odjela nuklearne medicine i donesena Odluka o odobravanju sredstava broj: 02-11-6311/22 od 14.04.2022. godine u iznosu 17.941,95 KM po osnovu Okvirnog sporazuma broj: 32-04-1484/22 od 02.03.2022. godine, zaključenog sa „Medpoint“ d.o.o. Sarajevo.

U okviru planiranih sredstava za nabavku rezervnih dijelova u Program su uvrštene nabavke za

koje su okončani postupci javnih nabavki, a za koje će biti donesene odluke o odobravanju sredstava, nakon donošenja ovog Programa i to za nabavku:

- rezervnih dijelova sa ugradnjom za održavanje medicinske opreme proizvođača Stors po osnovu Okvirnog sporazuma broj: 33-04-6426/20 od 19.11.2020. godine (109.894,95 KM),
- rezervnih dijelova sa ugradnjom za održavanje medicinske opreme proizvođača OLYMPUS po osnovu Okvirnog sporazuma broj: 33-11-1160/20 od 04.03.2020. godine (20.285,48 KM) i
- rezervnih dijelova sa ugradnjom za održavanje medicinske opreme proizvođača DWA reverzna osmoza po osnovu Okvirnog sporazuma broj: 20/1-12490 od 11.12.2019. godine (11.132,87 KM).

### **Kriterij za dodjelu sredstava**

Prioritetne nabavke u okviru planiranih sredstava utvrđuje menadžment JU Kantonalna bolnica Zenica. Za dio zaključenih ugovora o nabavci opreme, građevinskih radova i rezervnih dijelova sa ugradnjom, a u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine u toku 2022. godine Vlada Zeničko-dobojskog kantona, na prijedlog Ministarstva zdravstva donijela je odluke o odobravanju sredstava.

U skladu sa ovim Programom, na zahtjev JU Kantonalna bolnica Zenica, Ministarstvo zdravstva će Vladi Kantona predložiti odluke o odobravanju sredstava za nabavke za koje su u toku 2022. godine okončani postupci nabavke i zaključeni ugovori sa dobavljačima.

Za ostale nabavke, koje su prema prioritetima koje je utvrdila JU Kantonalna bolnica Zenica u okviru planiranih sredstava, zdravstvena ustanova provodi postupak javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22) i Planom nabavki ove zdravstvene ustanove usklađenim sa Programom.

Nakon okončanja postupka javnih nabavki JU Kantonalna bolnica Zenica podnosi zahtjev Ministarstvu zdravstva za odobravanjem sredstava. Na prijedlog Ministarstva zdravstva, Vlada Zeničko-dobojskog kantona donosi odluke o odobravanju sredstava.

Uslovi transferisanja sredstava na žiro-račun JU Kantonalna bolnica Zenica broj: 134-010-0000339717 otvoren kod ASA banke, kao i način dokazivanja namjenskog utroška sredstava precizirat će se svakom pojedinačnom odlukom o odobravanju sredstava.

### **1.1. Kapitalni transferi JU Zavod za medicinu rada i sportsku medicinu Zeničko-dobojskog kantona -planirana sredstva 263.000,00KM**

Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine, planirana su sredstva u ukupnom iznosu 263.000,00KM, koja su se odnosila na:

1.2.1 realizaciju Odluke o odobravanju sredstava za sufinansiranje Projekta „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“, broj: 02-11-9985/21 od 13.07.2021. godine, kojom su odobrena sredstva u iznosu 62.358,54 KM. Preostali iznos sredstava finansiran je od strane Fonda za zaštitu okoliša Federacije Bosne i Hercegovine (Ugovor o dodjeli finansijskih sredstava broj: 01-09-2-2037/2021 od 26.04.2021. godine). Navedena Odluka nije realizovana u 2021. godini, zbog

uloženih žalbi na provedeni postupak javne nabavke, te je ista realizovana u 2022. godini.

1.2.2 nastavak realizacije projekta „Utopljanje objekta JU Zavod za medicinu rada i sportsku medicinu“, koji je se nalazi u Programu javnih investicija Zeničko-dobojskog kantona i prioritetnu nabavku radiološkog ultrazvučnog aparata u ukupnom iznosu 200.641,46 KM.

Pravosnažnom presudom Kantonalno--g suda u Zenici broj: 43 0 Ps 143210 22 Pž od 04.04.2022. godine u pravnoj stvari tužitelja „Željezara Zenica“ d.o.o. Zenica u „stečaju“, nekretnine koje koristi JU Zavod za medicinu rada i sportsku medicinu Zeničko-dobojskog kantona vraćene su u vlasništvo tužitelja. „Željezara Zenica“ d.o.o. Zenica u „stečaju“ je dana 28.09.2022. godine dostavila Sporazum o plaćanju duga za zakup imovine-poslovnog prostora u objektu Zavoda za medicinu tada i parking prostora i Ugovor broj: 60/2022 o zakupu imovine poslovnog prostora u objektu Zavoda za medicinu tada i parking prostora za budući period. Budući da je JU Zavod za medicinu rada i sportsku medicinu Zeničko-dobojskog kantona zaključila Ugovor za izvođenje radova u oblasti energetske efikasnosti – „Investicije i mjere energetske efikasnosti u poslovnu zgradu JU Zavod za medicinu rada i sportsku medicinu Zeničko-dobojskog kantona“ broj: 7533/22 od 22.09.2022. godine, nakon sastanka u Uredu Premijera zaključeno je da Upravni odbor i direktor JU Zavod za medicinu rada Zeničko-dobojskog kantona obave razgovore sa stečajnim upravnikom „Željezara Zenica“ d.o.o. Zenica u „stečaju“ u vezi ponuđenog Sporazuma o izmirenju duga i Ugovora o zakupu, o zauzetim stavovima izvjestite Vladu Kantona, nakon čega će biti zauzeti stavovi o realizaciji planiranih sredstava za ulaganja u utopljanje objekta JU Zavod za medicinu rada i sportsku medicinu.

### **Kriterij za dodjelu sredstava**

Zdravstvena ustanova će provesti postupak nabavke opreme i građevinskih radova u skladu sa Zakonom o javnim nabavkama („Službeni glasnik Bosne i Hercegovine”, broj: 39/14 i 59/22) i planom nabavki ove zdravstvene ustanove usklađenim sa Programom.

Nakon okončanja postupka javnih nabavki JU Zavod za medicinu rada i sportsku medicinu Zeničko-dobojskog kantona podnosi zahtjev Ministarstvu zdravstva za odobravanjem sredstava. Na prijedlog Ministarstva zdravstva, Vlada Zeničko-dobojskog kantona donosi odluke o odobravanju sredstava.

Uslovi transferisanja sredstava na žiro-račun JU Zavod za medicinu rada i sportsku medicinu Zeničko-dobojskog kantona, precizirat će se pojedinačnim odlukama o odobravanju sredstava sukladno zaključenim ugovorima.

### **1.2. Kapitalni transferi JU Institut za zdravlje i sigurnost hrane Zenica planirana sredstva 140.000,00 KM**

U skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine, planirana su sredstva u iznosu od 40.000,00KM za JU Institut za zdravlje i sigurnost hrane Zenica. Dodatno planirana sredstva za ovu zdravstvenu ustanovu nakon usvojenih Izmjena i dopuna Budžeta Zeničko-dobojskog kantona za 2022. godinu iznose 100.000,00 KM.

Ministarstvo zdravstva je dopisom broj: 11-11-3213-5-13/22 od 21.09.2022. godine od zdravstvene ustanove tražilo očitovanje o nabavkama kapitalnog karaktera koje će biti

finansirane planiranim sredstvima.

JU Institut za zdravlje i sigurnost hrane Zenica je dopisom broj: 02-3170/22 od 11.10.2022. godine dostavila podatke o namjenama za utrošak planiranih sredstava (oprema za preventivni pregled djece, senzora za aparat za neinvazivno mjerenje hemoglobina u krvi, aparata za mjerenje buke i osvjetljenosti, vage i visinomjera, opremanje prostora i nabavka namještaja, nabavka laboratorijske opreme i PCR (nabavka uređaja, adaptacija prostora i stavljanje uređaja u funkciju)).

Nakon usvajanja Programa donijet će se odluka o odobravanju sredstava kojom će biti preciziran način transferisanja sredstava i obaveze zdravstvene ustanove.

## **2. Kapitalni transferi javnim zdravstvenim ustanovama kojima su osnivači gradovi/općine – planirana sredstva 1.147.000,00 KM.**

Odlukom o raspodjeli planiranih sredstava u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-14925/22 od 06.10.2022. godine ukupno planirana sredstva za kapitalne transfere javnim zdravstvenim ustanovama kojima su osnivači gradovi/općine iznose 1.147.000,00 KM, a odnose se na kapitalne transfere za JU Opća bolnica Tešanj i 12 (dvanaest) domova zdravlja sa područja Zeničko-dobojskog kantona i u cjelosti su obezbjeđena Odlukom Vlade Federacije BiH o raspodjeli sredstava utvrđenih Budžetom Federacije Bosne i Hercegovine za 2022. godinu Federalnom ministarstvu finansija sa ekonomskog koda „Tekući transferi drugim nivoima vlasti i fondovima - kantoni“ (Službene novinama Federacije BiH“, broj: 41/22 od 27.05.2022. godine) i Zaključkom Vlade Kantona broj: 02-11-12308/22 od 11.08.2022. godine.

### **2.1. Kapitalni transferi JU Opća bolnica Tešanj - planirana sredstva 40.000,00 KM**

U skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine, Vlada Zeničko-dobojskog kantona donijela je Odluku o odobravanju sredstava JU Opća bolnica Tešanj broj: 02-11-11074/22 od 14.07.2022. godine, kojom su odobrena sredstva u iznosu 40.000,00 KM za sufinansiranje nabavke medicinske i nemedicinske opreme (aparat za laboratorijsku dijagnostiku Symex XN550, vaga - mješalica za prikupljanje krvi sa transportnim koferom (2 komada) i profesionalna mašina za pranje veša).

JU Opća bolnica Tešanj obratila se zahtjevom broj: 01-2-5778/22 od 19.09.2022. godine da se u navedenoj Odluci o odobravanju sredstava umjesto profesionalne mašine za pranje veša odobri nabavka digitalnog transkutanog bilirubinometra, a zbog neplaniranog rasta cijene nabavke na tržištu.

### **2.2. Kapitalni transferi domovima zdravlja - planirana sredstva 1.107.000,00 KM**

Ukupno planirana sredstva za kapitalne transfere domovima zdravlja sa područja Zeničko-dobojskog kantona iznose 1.107.000,00 KM, od čega se iznos od 207.000,00 KM odnosi na sredstva odobrena u skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine, a iznos od 900.000,00 KM su dodatna sredstva koja su opredijeljena domovima zdravlja nakon donošenja Izmjena i dopuna Budžeta

Zeničko-dobojskog kantona za 2022. godinu.

**2.2.1** U skladu sa Programom utroška sredstava planiranih u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-4970/22 od 25.03.2022. godine i kriterijima raspodjele datim u Programu, raspodjela planiranih sredstava je izvršena na sljedeći način: linerano planirana sredstva svakom domu zdravlja u iznosu po 5.000,00 KM, a preostali iznos od 147.000,00 KM srazmjerno broju stanovnika, prema podacima preuzetih iz publikacije „Zeničko-dobojski kanton u brojkama“ iz juna 2021. godine, koju izdaje Federalni zavod za statistiku. Ministarstvo zdravstva je uputilo dopis svim domovima zdravlja da, u skladu sa opredijeljenim sredstvima u Programu (ukupno 207.000,00 KM), dostave Ministarstvu zdravstva svoje zahtjeve u kojima će konkretizovati nabavke koje će se finansirati iz odobrenih sredstava. Zdravstvene ustanove su bile obavezne dostaviti svoju saglasnost da će nadostajuća sredstva finansirati iz vlastitih sredstava u slučaju da je nabavka veća od iznosa planiranih sredstava za svaku zdravstvenu ustanovu.

Ministarstvo zdravstva je obvezalo sve zdravstvene ustanove da prethodno pravdaju sredstva koja su odobrena odlukama o odobravanju sredstava u 2021. godini, jer je to uslov za novo odobravanje sredstava.

Vlada Zeničko-dobojskog kantona, na prijedlog Ministarstva zdravstva donijela je devet odluka o odobravanju sredstava u ukupnom iznosu 155.170,00KM i to:

Red . Br.	Zdravstvena ustanova	Broj Odluke	Iznos odobren Odlukom	Svrha odobrenja sredstava
1.	JU Poliklinika sa dnevnom bolnicom „Doboj-Jug“	02-11-8055/22 od 19.05.2022. godine	6.685,00	sufinansiranje nabavke medicinske opreme - refrakcione jedinice za potrebe Službe za očne bolesti sa dnevnom bolnicom
2.	JU Dom zdravlja „Prim. dr. Mijo Grgić“ Usora	02-11-8054/22 od 19.05.2022. godine	7.610,00	za nabavku medicinske opreme - EKG aparat – 2 kom - analizator urina
3.	JU „Dom zdravlja sa stacionarom Žepče“	02-11-8057/22 od 19.05.2022. godine	17.250,00	za sufinansiranje nabavke medicinske opreme - aparat za biohemijske laboratorijske analize - dejonizator sa pripadajućim dijelovima
4.	JU Dom zdravlja Zavidovići	02-11-8058/22 od 19.05.2022. godine	19.400,00	za nabavku medicinske opreme - defibrilator - stomatološka stolica i holter - EKG-a (12 kanalni)
5.	JU Dom zdravlja Maglaj	02-11-10353/22 od 28.06.2022 godine	14.310,00	za nabavku medicinske opreme - EKG 12-kanalni (1 kom) - 12-kanalni holter EKG-a (1 kom) - tlakomjer (10 kom) - otoskop (10 kom)
6.	JU Dom zdravlja sa		8.785,00	za nabavku medicinske opreme

	stacionarom Olovo	02-11-10352/22 od 28.06.2022 godine		- terapijski ultrazvuk – dvokanalni uređaj za ultrazvučnu terapiju - uređaj za interferentne struje (IFC) TENS – elektrostimulator
7.	JU Dom zdravlja „Zenica“	02-11-11071/22 od 14.07.2022. godine	49.890,00	sufinansiranje nabavke sanitetskog vozila
8.	JU Dom zdravlja „Vareš“	02-11-11072/22 od 14.07.2022. godine	8.180,00	za nabavku medicinske opreme - analizator za jonogram - spirometar - set instrumenata za malu hirurgiju-4seta - hlor komparator
9.	JU Dom zdravlja „Izudin Malićbegović-Izo“ Tešanj	02-11-11073/22 od 14.07.2022. godine	23.060,00	sufinansiranje građevinskih radova na objektu porodične medicine u Mjesnoj zajednici Kalošević
	<b>Ukupno</b>		<b>155.170,00</b>	

Za planirana sredstva u Programu u ukupnom iznosu 51.830,00 KM nisu donesene odluke o odobravanju sredstava obzirom da su postupci javnih nabavki u toku ili nisu pravdana prethodno odobrena sredstva i to za:

- JU Dom zdravlja Breza 10.515,00 KM,
- JU Dom zdravlja Kakanj 20.230,00 KM i
- JU Dom zdravlja Visoko 21.085,00 KM.

Do kraja 2022. godine očekuje se realizacija planiranih sredstava.

**2.2.2** Nakon usvajanja Izmjena i dopuna Budžeta Zeničko-dobojskog kantona za 2022. godinu i donošenja Odluke o raspodjeli planiranih sredstava u Budžetu Zeničko-dobojskog kantona za 2022. godinu na poziciji „Kapitalni transferi drugim nivoima vlasti - za zdravstvo“, broj: 02-11-14925/22 od 06.10.2022. godine, dodatno raspoređena sredstva za kapitalne transfere domovima zdravlja iznose 900.000,00 KM, a raspodjela sredstava po domovima zdravlja je sljedeća:

Redni broj	Naziv zdravstvene ustanove	Linearni iznos u KM	Raspored sredstava prema broju stanovnika	Ukupno
1.	JU Dom zdravlja Breza	22.500,00	23.525,00	46.025,00
2.	JU Poliklinika sa dnevnom bolnicom „Doboj-Jug“	22.500,00	7.220,00	29.720,00
3.	JU Dom zdravlja Kakanj	22.500,00	65.295,00	87.795,00
4.	JU Dom zdravlja Maglaj	22.500,00	39.790,00	62.290,00
5.	JU Dom zdravlja sa stacionarom Olovo	22.500,00	16.090,00	38.590,00
6.	JU Dom zdravlja „Izudin“	22.500,00	77.880,00	100.380,00

	Malićbegović-Izo“ Tešanj			
7.	JU Dom zdravlja „Prim. dr. Mijo Grgić“ Usora	22.500,00	11.155,00	33.655,00
8.	JU Dom zdravlja „Vareš“	22.500,00	13.340,00	35.840,00
9.	JU Dom zdravlja Visoko	22.500,00	68.765,00	91.265,00
10.	JU Dom zdravlja Zavidovići	22.500,00	61.735,00	84.235,00
11.	Dom zdravlja „Zenica“	22.500,00	192.550,00	215.050,00
12.	JU „Dom zdravlja sa stacionarom Žepče“	22.500,00	52.655,00	75.155,00
	<b>Ukupno</b>	<b>270.000,00</b>	<b>630.000,00</b>	<b>900.000,00</b>

### Kriterij za dodjelu sredstava

Dodatno planirana sredstva za **domove zdravlja** u iznosu od **900.000,00 KM**, raspoređena su na sljedeći način: linerano planirana sredstva svakom domu zdravlja u iznosu po 22.500,00 KM, a preostali iznos od 630.000,00 KM srazmjerno broju stanovnika, prema podacima preuzetih iz publikacije „Zeničko-dobojski kanton u brojkama“ iz juna 2022. godine, koju izdaje Federalni zavod za statistiku.

Svim domovima zdravlja Ministarstvo zdravstva je uputilo dopis 15.09.2022. godine za očitovanje o nabavkama kapitalnog karaktera koje će biti finansirane planiranim sredstvima. Nakon usvajanja Programa donijet će se odluke o odobravanju sredstava kojim će biti precizirana svrha nabavke u skladu sa zahtjevima zdravstvenih ustanova, način transferisanja sredstava i obaveze zdravstvenih ustanova za pravdanje namjenskog utroška sredstava.

Zdravstvene ustanove provode postupak javne nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14 i 59/22).

Uzimajući u obzir odobrena dodatna sredstva postoji mogućnost da će se ranije donesene odluke o odobravanju sredstava mijenjati u skladu sa zahtjevima zdravstvenih ustanova.

Broj: 02- \_\_\_\_\_ /22  
Datum, 03.11.2022. godine  
Z e n i c a

**PREMIJER**

*Mirnes Bašić*

DOSTAVLJENO:

1x Ministarstvo zdravstva,  
1x Ministarstvo finansija,  
1x a/a